

Ujaasineq



... sammisaq toqqaruk

Attaveqarfissat



Imigassaq - naligninnaasumik innersuussutit

NASSIUSSIGIT



PDF-ILIARIUK



EMBED



PAASISSUTISSAT

Imigassaq Ikiaroonartullu pillugit Siunnersuisoqatigiit kaammattuutaat:

1. Inuusuttut 18-it inorlugit ukiullit imigassaq ingalassimalluinnartariaqarpaat

2. Piffimmi ataatsimi najoqqagassat amerlanerpaat sisamat

3. Naartunerup siorna nalaanilu kiisalu milutsitsinermi imigassartornaveersaarit

Ingasaassinngitsumik imertoqarpat allat ilagalugit imigassartorneq nuannersinnaavoq. Imigassartornerli aarlerinartortaqarpoq.

Imigassat pinngitsuuisinnaajunnaarsitsisinnaavoq timikkut, isumakkut inooqataaniarnikkut arlalitsigut ajoqusiisinnaasoq.

Imigassartornerujartortillutit pinngitsuuisinnaajunnaarnissat nappaateqalernissallu ilimanarnerlissaaq.

Imigassaq nappaatinut qanorluissutsinut 60-init amerlanerusunut, assersuutigalugu kræftimut, tingullunnermut uummallunnermullu, attuumassuteqarpoq. Tamanna atuuppoq piffissami killilimmi annertoorususuarfik imigassartoruit (engukkuit) aamma piffissami sivilisunerusumi annertuumik imigassartoruit.

Imigassamik pinngitsuuisinnaannginneq peqqissutsikkut kingunerlutsitsinerup saniatigut aamma inooqa-taniarnikkut kingunerlutsitsisinnaavoq. Aappariinnerlutsitsilersinnaavoq, sulisarninnut sunniuteqarsinnaavoq, meeqqanik sumiginnaasitsisinnaavoq, nakuuserititsisinnaavoq naggataatigullu ajunaarnermik, pinerlunnermik toqutsinermilluunniit kinguneqartitsisinnaalluni.

Imigassamik atuinivit appartinnissaanut unitsinnissaanulluunniit peqqissutsikkut iluaqutissartaqarpoq.

Katsorsarneqarsinnaanngitsumik nappaateqarnermi isumatsaqqanermilu imigassamik atainerup annikillisinnaera unitsinneraluunniit sukkanerusumik peqqissinissamut

attuumassuteqartarpoq.

INNERSUUSSUTIT

Imigassaq Ikiaroonartullu pillugit Siunnersuisoqatigiit najoqqagassatut killissarititaasutut kaammattuuti-gaat;

- Arnanut, sap.ak. najoqqagassat arfineq-marluk
- Angutitut, sap.ak. najoqqagassat 14-it
- Piffimmi ataatsimi najoqqagassat amerlanerpaat sisamat

Najoqqagassaq ataaseq tassaavoq immiaaraq viinnisorfilluunniit ataaseq.

Imigassartorneq tamatigut arlaatigut peqqissutsinnik innarliisinnaavoq, kisianni imigassamik atuinermik peqquteqartumik napparsimalernissat ilimananginnerussaaq kaammattuutit uku najoqqutarisarukkit.

NEQEROORUT

Inuit ilaasa ajoqutaasumik imigassamik atuisarunnaarnissartik sapernartissinnaasarpaat. Imertarunnaarnissaq sapernartikkukku pingaaruteqarpoq sapinngisamik piaarnerpaamik sullissisunnut saaffiginninnissat imaluunniit Allorfimmut, pinngitsuuisinnaanginninnik katsorsaasinnaasumut, attaveqarnissat.

Kalaallit Nunaanni najugaqartut tamarmik akeqanngitsumik pinngitsuuisinnaanginnermut katsorsarneqar-sinnaapput.

Allorfik ugguna attavigisinnaavat 52 53 43, piffissami 09:00-imiit 15:00-imut, imaluunniit mailikkut allorfik@allorfik.gl.

Illoqarfinni Allorfilinni (Qaqortumi, Nuummi, Sisimiuni, Aasiaanni aamma Ilulissani) ornigullutit saaffiginnissinnaavutit nal. 9-15.

Ullumikkut innuttaasut 18-it sinnerlugit ukiullit kisimik katsorsarneqarsinnaapput. Allorfinnili innuttaasunut 18-it inorlugit ukiulinnut killilimmik neqerooruteqarpoq.

Allorfiup nittartagaani paasisaqarnerusinnaavutit uani www.allorfik.gl

NAMMINEQ QANOQ ILIUSEQARSINNAAVUNGA

Imigassamik atuisarnivit appartinnissaa unitsilluinnarnissaaluunniit sapernarsinnaavoq. Inuup ataasiinnaap maanna taamaaliortoqassanersoq aalajangersinnaavaa, inullu taanna tassaavoq illit.

Annikinnerusumik imertalerniarlutit aalajangeruit ilorraap tungaanut alloriassaait. Ileqqumik, immaqa inuuninni initoorujussuarmik, allanngortitsinissap sapernarsinnaanera piareersimaffigisariaqarpat. Qanorluunniit artorsartigissagaluarluit eqqaamajuartariaqarpat ileqqut allanngortinneqarsinnaammata, aamma upperisariaqarpat allannguisinnaallutit.

Imerpallaarunnaarnissamut imigassartunngilluinnarnissamulluunniit periutsit assigiinngitsuupput. Periuseq ilinnut naleqqunnerpaaq nassaarisariaqarpat.

Assersuutigalugu:

- ulluinnarni imigassamik imertarunnaarsinnaavutit
- imikkatit akunnilersinnaavatit sodavandimik, juicemik allamilluunniit
- allat illittulli atugallit attaviginiarsinnaavatit
- imigassaq eqqarsaatigiunnaarumallugu arlaannik sammisaqarsinnaavutit
- ilaquuttannit ikiorneqarsinnaavutit
- sullissisumik oqaloqateqarsinnaavutit

Nuannersut siunissarlu eqqarsaatiginerisigut imigassamik atuisarnivit iliuuseqarfiginissaanut aalajangiusi-manninnerit ajornannginnerulissaaq.

Taava piviusorsioortumik anguniagaqarnissat tullernguuppoq. Ullormiit ullormut tupinnartuliortoqarnissaa naatsorsuutigisinnaanngilat.

Ileqqup iperarnaviikkaq allanngortinnissaata sivisusinnaanera piareersimaffigisariaqarpat. Ullormiit ullormut

imigassartortarunnaarsinnaannginnerit arriitsumillu imigassamik atuinivit appariartortussaanaera akueriuk. Nakkartooruit iluatsissinnaanngitsutut imminut eqqartuuteqinak. Aqaguani aallaqqaataaniit aallartigit anguniakkallu isiginiarlugu.

Annikinnerusumik imertalernissat illit nammineq aalajangissavat, ulluinnarnili ilinnik tapersersuisinnaasunik ikiorteqarnissat

iluautigisinnaavat. Ajornartorsiutit tamannalu pillugu

iliuuseqarniarnerit unneqqarillutit eqqartortarukku ilimanarnerussaaq ilaquttavit, ikinngutivit suleqativillu ikiussagaatsit.

Annikitsut, soorlu imerusulernerme ikinngutigilluakkamut sianernej imaluunniit ilaquttavit imigassamik imernaveersaarnerat,

iluauqaasinnaapput.

QANIGISAT

Pinngitsuuisinnaajunnaartoqartillugu ilaqutaasut meeqqallu naallioqataasarput, aamma ilaqutaasut amerlasuut qanoq iliornissartik pinngitsuuisinnaannginnerlu pissutigalugu ikit qanoq pitsaanerpaamik mamitinniassallugit nalornissutigisarpaat.

Imigassamik pinngitsuuisinnaanngitsumut ilaqutaasut inersimasut ilaqutariinnik katsorsaannermut ilaasinnaapput.

Ilaqutariinnik katsorsaaneq ilaqutaasuni inersimasunut tunnganeruvoq, siunissamili aamma meeqqanut tunngalertussaassaaq.

Ilaqutariinnik katsorsaannermi amerlanertigut ilinniartitsisoqartarpoq, sungiusartoqartarpoq eqimattatullu suleqatigiittoqartarluni. Pinngitsuuisinnaannginneq suunersoq pinngitsuuisinnaannginnerlu ilaqutariinnut qanoq sunniuteqartarpoq pillugu ilinniartitsisoqartarpoq. Ilinniartitsinermi peqataasut inummut pinngi-tsuuisinnaanngitsumut ilaqutaannermut atatillugu misigissutsit artornartut eqqartornissaanut suliarinissaannullu periarfissaqartarput.

Uani atuarnerugit: www.allorfik.gl

SAAFFIGINNINNISSAMUT PAASISSUTISSAT

Sullissiviup nittartagaani illit kommuninni sullissisorisat attavigiuk. www.allorfik.gl

NUTAARSIASSAQ

13. maajip 2020

Napparsimmavinnut peqqissaavinnullu pulaarneq

Napparsimasortagut sanngiitsortagullu coronavirusumut illersorniarlugit immikkut ittuni taamaallaat qanigisaasut ingiallortaasinnaapput pulaarsinnaallutilluunniit.

NUTAARSIASSAQ

15. maajip 2020

Qanigisaasut suli Kalaallit Peqqissartut Illuanniissinnaanngikkallarput

Napparsimasut immikkut sanngiiffeqartut Kalaallit Peqqissartut Illuanniimmata pulaarnissamut maleruagassat



PEQQIK.GL PILLUGU



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT

